



REPUBLIKA SHQIPËRISË
KËSHILLI BASHKIAK ELBASAN

Nr 1668 Prot

Elbasan më 20.03.2024

Raport mbi Veprimtarinë e Këshillit Bashkiak për Vitin 2023 dhe Transparencën në Proçesin e Vendimrjes.

Këshilli Bashkiak, si organi përfaqësues dhe vendimmarrës i qeverisë bashkiak, i ushtron përgjegjësinë e tij qeverisëse duke respektuar parimet e demokracisë vendore, Kartës Europiane të Autonomisë Vendore, transparencës qeverisëse, ligjshmërisë, si dhe duke përdorur me efektivitet dhe efikasitet burimet njerëzore, financiare, fizike e natyrore, duke punuar bazuar në parimet e interesit publik, integritetit, objektivitetit, përgjegjshmërisë, transparencës, barazisë dhe mosdiskriminimit.

Vendimarrja e Këshillit

Këshilli i Bashkisë Elbasan, gjatë vitit 2023 ka patur si qëllim miratimin e vendimeve që i përkasin shërbimit ndaj qytetarëve, zhvillimit të qytetit, mbështetjes dhe promovimit të sektorëve të ndryshëm të ekonomisë (bujqësisë, industrisë, shërbimeve, tregtisë, turizmit, etj) me ndihmë ekonomike dhe vendimet me karakter ekonomik që kanë të bëjnë me:

1. Zbatimin e buxhetit për vitin 2023, projektet e propozuara nga ekzekutivi për përmirësimin e shërbimeve dhe investimet, dhe
2. Ka marrë vendim çdo muaj për dhënie ndihmë financiare, për familje, jo vetëm nga fondi i kushtëzuar, por edhe nga të ardhurat e Bashkisë Elbasan si më poshtë:

Nr.	Muaji	Ndihmë ekonomike për familje nga të ardhurat e Bashkise	Ndihme ekonomike për familje nga Fondi i kushtëzuar 6 %
1	Janar	1	1
2	Shkurt	1	1
3	Mars	1	1
4	Prill	1	1
5	Maj	1	1
6	Qershor	1	1
7	Korrik	1	1
8	Gusht	1	1
9	Shtator	1	1
10	Tetor	1	1
11	Nëntor	1	1
12	Dhjetor	1	1



Të tjera vendime të miratuara:

- Dhënie me qera të tokave bujqësore, lista e sipërfaqeve kullosore dimërore dhe verore, me qëllim mirëmenaxhimit të tyre dhe përdorimin e këtyre tokave në dobi të fermerëve dhe zhvillimit të bujqësisë;
- Shtesa dhe ndryshime të buxhetit për vitin 2023 me qëllim rritjen e efikasitetit të burimeve financiare dhe përdorimin e tyre në shërbim të komunitetit, zhvillimit urban dhe rural, thithjes së investimeve dhe mbështetjes së ekzekutivit në projektet e fituara nga qeveria qendrore, me fonde të Bashkimit Europian (BE), dhe donatoë të tretë të huaj;
- Buxhetin e vitit 2023 dhe projekt-buxhetin afatmesëm të Bashkisë Elbasan për vitet 2023-2025;
- Për sistemin e taksave dhe tarifave vendore në bashkinë Elbasan për vitin 2023;
- Dhënie të titujve "Qytetar Nderi bazuar në kërkesat dhe trajtimin e dy komisioneve;
- Bursat për nxënësit e arsimit para-universitar dhe konviktet e shkollave të mesme profesionale, për vitin shkollor 2022-2023, si dhe mbështetjen e nxënësve ekselentë.

Struktura e vendime të miratuara nga Këshilli viti 2023

- Nga totali 135 vendime të marra, 135 vendime kanë kërkuar konfirmimin e Prefektit të Qarkut .
- Vendimet me karakter normativ kanë pasur të bëjnë me buxhetin dhe zbatimin e tij, përmirësimin e shërbimeve, detajimin e shpërndarjes së buxhetit etj;
- Dhënie e tokave me qera, mbështetjen e projekteve të fituara nga ekzekutivi, planet vendore për pastrimin, mbrojtjen nga zjarri, planet sociale të bashkisë si dhe vendimet për mbështetjen e familjeve që kanë patur dëmtime të banesave të tyre nga zjarri;
- Vendimet të cilat janë me karakter personal, 24 prej tyre kanë të bëjnë me dhënien e ndihmës ekonomike sipas muajve, vendime për procesin e privatizimit të banesave për lidhjen e kontratave para noterit, për banesat e para viteve 90, vendime për miratimin e listës së përfituesve të subvencionit të qirasë dhe subvencionit të kredisë, vendime për shtyrjen e afatit të kredisë si dhe për vendosjen në Shtëpinë e të Moshuarve si dhe titujt e nderit;
- 4 vendime me karakter jo normativ janë vendime që kanë të bëjnë me procedurat e zhvilluara për mbledhjen Konstituimit të Këshillit Bashkiak të dalë nga zgjedhjet e 14 majit dhe në mbledhjen pasardhëse për ngritjen e komisioneve;
- Dhënë 4 tituj "Qytetar Nderi".

Këto vendime të Këshillit, tregojnë bashkëpunimin e Këshillit me administratën e Bashkisë për t'ju përgjigjur në kohë dhe sipas legjislacionit në fuqi gjithë shqetësimeve dhe problematikave të komunitetit të qytetit të Elbasanit dhe njësive administrative.



Këshilli gjatë kësaj periudhe ka qene aktiv, duke mbajtur mbledhje të radhës, mbledhje jashtë radhe, sipas tabelës së mëposhtme:

Muaji	Nr total i Mbledhjeve	Mbledhje të radhës	Mbledhje jashtë radhe
Janar	1	1	-
Shkurt	1	1	-
Mars	2	1	1
Prill	1	1	-
Maj	1	1	-
Qershor	1	1	-
Korrik	2	2	-
Gusht	1	1	-
Shtator	1	1	-
Tetor	2	2	-
Nentor	1	1	-
Dhjetor	2	1	1

Gjatë vitit 2023 është zhvilluar online 1 prej mbledhjeve jashtë radhe me qëllim arritjen e afateve.

Pjesëmarrja e këshilltareve ka qënë aktive si në mbledhjet e komisioneve ashtu dhe në procesin e vendimmarjes në mbledhjet plenare online apo ato fizike. Komisionet e përhershme të Këshillit janë mbledhur për të diskutuar dhe miratuar projekt vendime të sjella nga administrata e Bashkisë Elbasan që kanë të bëjnë sidomos me vendimet me karakter ekonomik dhe në dhënien e pronave me qera, titujt e nderit, çështje juridike etj

Në vitin 2023 janë zhvilluar 33 mbledhje të Komisioneve.

Nr	Muaji	Mbledhje të Komisione të Përhershme
1	Janar	3
2	Shkurt	2
3	Mars	4
4	Prill	5
5	Maj	1
6	Qershor	1
7	Korrik	-
8	Gusht	-
9	Shtator	5
10	Tetor	3
11	Nëntor	5
12	Dhjetor	4
Total		33



Duke u nisur nga karakteri i vendimeve, ato ndahen në vendime për çështje:

1. Financiare
2. Sociale
3. Infrastrukturën dhe strehimin
4. Problemet urbane dhe asetet
5. Emergjencat civile
6. Çështje të arsimit kulturës
7. Tajtimi i mbetjeve
8. Planet lokale

Transparenca e Këshillit.

Në zbatim të rregulloreve të miratuara është vënë në funksionim regjistri fizik i ankesave/kërkesave dhe një regjistër fizik i iniciativave/peticioneve ku regjistrohen dhe evidentohen të gjitha ankesat/kërkesat e mbërritura në drejtim të Këshillit të Bashkisë, regjistri elektronik i mbledhjeve të Këshillit me të gjitha kolonat që sigurojnë informacion të plotë për zhvillimin e mbledhjeve, dhe regjistri elektronik i projektakteve (në faqen e internetit të bashkisë, rubrika Këshilli).

Është pasuruar faqja e internetit të Bashkisë, Rubrika e Këshillit Bashkiak me informacione për publikun nëpërmjet kategorive të mëposhtme:

- Anëtarët e Këshillit Bashkiak;
- Struktura/Komisionet;
- Rregulloret e Këshillit;
- Vendime të Këshillit Bashkiak;
- Projektvendimet;
- Proçesverbalet;
- Regjistri elektronik i kërkesave, ankesave, peticioneve dhe iniciativave qytetare;
- Regjistri elektronik i mbledhjeve;
- Regjistri elektronik i projektakteve;
- Njoftimet dhe rendi i ditës;
- Aktivitete të Këshillit, etj

Gjithçka më lart bëhet transparente, dhe qytetarët mund t'i gjejnë në faqen e internetit të Bashkisë, rubrika Këshilli të gjitha informacionet dhe dokumentat përkatëse.

Për të thelluar më shumë transparencën, Këshilli i pajisur dhe mbështetur nga Projekti Bashki të Forti me pajisje IT të plota (donacion-Ekran, Kamera, Mikrofoha, Laptop, dhe kablllo), ka regjistruar dhe transmetuar direkt (live) në facebook të Këshillit, pothuajse të gjitha mbledhjet e Këshillit që prej muajit Korrik 2023, gjithsej 5 mbledhje gjatë vitit 2023.



Roli përfaqësues i Këshillit

Në zbatim të ligjit 139/2015 "Për Veteqeverisjen Vendore", i ndryshuar si dhe ligjit 146/2014, "Për konsultimin Publik", në zbatim të planit të aktiviteteve/punës dhe përgatitjes së Tavanëve Buxhetore të Programit Buxhetor Afatmesëm (PBA) 2024-2026, me mbështetjen e Projektit Bashki të Forta zhvilloi:

- Në 18 Maj 2023, Këshilli me ekzekutivin zhvilluan një dëgjese/konsultim publik me komunitetin Rom të Bashkisë Elbasan për marrjen e nevojave dhe prioritetëve të këtij komuniteti dhe kosiderimin e tyre në PBA.

Aktiviteti i mësipërm u publikua në faqen e internetit të Bashkisë, Rubrika Këshilli Bashkiak, Aktivitete të Këshillit, dhe në facebook të Këshillit.

Gjithashtu, gjatë periudhës 12-mujore të vitit 2023, Këshilli në bashkëpunim me ekzekutivin kanë marrë pjesë në 25 dëgjesa publike në të gjitha njësite administrative të bashkisë me grupe të ndryshme interesi, përfshirë "këshillin rinor", gratë grupet vulnerable, etj, që kanë të bëjnë me hartimin e Paketës Fiskale për vitin 2024, me zbatimin e buxhetit për vitin 2023 dhe kërkesat buxhetore për vitin 2024, përsa i përket miratimit të sistemit të taksave dhe tarifave vendore për vitin 2024, të buxhetit të Bashkisë Elbasan për vitin 2024 si dhe projekt-buxhetit afatmesëm të Bashkisë Elbasan për vitet 2024-2026.

Këshilli ka marrë pjesë në seanca dëgjimore së bashku me administratën e Bashkisë ku janë mbajtur shënime kërkesat, sygjerimet dhe opinionet e pjesëmarrësve, i janë përcjellë Komisionit të Ekonomisë, Buxhetit dhe Tatim-Taksave, dhe janë reflektuar/konsideruar në dokumentat përkatëse.

Të gjitha dëgjesat/konsultimet publike të sipërpërmendura janë publikuar në faqen e internetit të Bashkisë, Rubrika Këshilli Bashkiak, Aktivitete të Këshillit, dhe në facebook të Këshillit.

Gjatë mbledhjeve të Këshillit Bashkiak, këshillarët kanë shprehur kërkesa dhe ankesa të qytetarëve të zonave që përfaqësojnë të cilat i janë parashtruar ekzekutivit dhe janë diskutuar më tej për të marrë zgjidhje rast pas rasti.

Duke konsideruar rëndësinë e ndryshimeve klimatike në ditët e sotme, Këshilli në zbatim të planit të aktiviteteve/punës së tij, me mbështetjen e Projektit Bashki të Forta, zhvilloi në 16 shkurt 2023 një seance të veçantë "Mbi ndryshimet klimatike dhe masat e përshtatjes". Aktiviteti u publikua në faqen e internetit të Bashkisë, Rubrika Këshilli Bashkiak, Aktivitete të Këshillit, dhe në facebook të Këshillit.

Për vitin 2023 buxheti i Këshillit Bashkiak është realizuar pothuajse i plotë.



Forcimi i kapaciteteve të Këshillit

Me mbështetjen e Projektit Bashki të Forta, këshilltarët bashkiak u trajnuan intesivisht mbi kapitujt kryesorë të zbatimit të Ligjit 139/2015, i ndryshuar, Kartës Europiane të Autonomisë Vendore dhe gjithë kuadrit ligjor që prek qeverisjen vendore, në datat 13-14 tetor 2023. Në trajnim morën pjesë dhe u çertifikuan 31 këshilltarë.

Barazia gjinore dhe Aleanca e Grave Këshilltare

Me konstituimin e Këshillit Bashkiak në Qershor 2023, Këshilli ngriti Komisionet e tij me Vendim të Këshillit nr 71, datë 31.08.2023. Një ndër Komisionet e Këshillit është Komisioni Shërbimeve, Strehimit Social, Shëndetësisë dhe Barazisë Gjinore.

Gjithashtu, me mbështetjen e Projektit Bashki të Forta, u riaktivizua Aleanca e Grave Këshilltare të Bashkisë Elbasan, e cila hartoi një nismë të barazisë gjinore - Reduktimi i dhunës me bazë gjinore dhe dhunës në familje. Nisma është pjesë e buxhetit të Bashkisë, viti 2024.

Vazhdimësia dhe e Ardhmja

Mbetet si detyrë mjaft e rëndësishme për të ardhmen gjetja e mënyrave dhe formave të tjera për të komunikuar me publikun për çështje si: diskutimi për buxhetin e bashkisë, paketës fiskale, tjetërsimit dhe dhënies me qera të pronave, zbatimi i standardeve e rregulloreve etj, me qëllim pjesëmarrjen aktive në vendimmarrje të komunitetit, ku çdo këshilltar për aktet normative, të cilat do të diskutohet dhe vendoset në Këshill, të marrë opinionet dhe vërejtjet publike në lagjen ose fshatin që ata përfaqësojnë me qëllim që vendim-marrja të jetë në shërbim të komunitetit.

Për sa më sipër ju falenderojmë secilin për kontributin e dhënë dhe ju ftojmë të jepni mendimet dhe sygjerimet tuaja për përmirësimin e punës së Këshillit.

Sekretar i Këshillit Bashkiak

Elvi ÇUNI

Kryetar i Këshillit Bashkiak

Lutfi LALA